



JABATAN HAL EHWAL AGAMA ISLAM NEGERI SABAH

حياتنا خير حالنا والاكامل اسلامنا

KHUTBAH JUMAAT PERTAMA DAN KEDUA

05 Rejab 1444H / 27 JANUARI 2023M

MENJANA EKONOMI NEGARA, UMMAH SEJAHTERA

Disediakan oleh

Bahagian Penyelidikan & Sebaran Am

Jabatan Hal Ehwal Agama Islam Negeri Sabah (JHEAINS)

Dengan Kerjasama

Jabatan Kastam Diraja Malaysia

Arahan kepada PTA/ PPMD/ AJK MASJID/ SURAU:

- Seksyen 97, Enakmen 3 Tahun 1995, Enakmen Kesalahan Jenayah Syariah 1995, Bahagian IV - Kesalahan Khutbah menyatakan bahawa menjadi kesalahan bagi khatib yang membaca khutbah Jumaat yang bukan disediakan, disemak atau diluluskan oleh Majlis dan boleh, apabila disabitkan, dikenakan hukuman denda tidak melebihi dua ribu ringgit atau penjara selama tempoh tidak melebihi satu tahun atau kedua-duanya sekali.
- Khatib hendaklah menyemak terlebih dahulu khutbah ini sebelum disampaikan kepada para jemaah supaya sempurna rukun dan baris agar dapat disampaikan dengan fasih dan lancar.
- Khutbah ini hendaklah dibaca oleh Imam Qariah atau Imam Rawatib yang bertugas di masjid atau surau yang berkenaan kecuali ada kebenaran khas dari Jabatan Hal Ehwal Agama Islam Negeri Sabah (JHEAINS).
- Khutbah hendaklah disampaikan pada tarikh dan masa yang ditetapkan oleh JHEAINS.
- Khatib tidak dibenarkan meminda isi perkataan dalam khutbah ini kecuali untuk menyempurnakan rukun khutbah, kesilapan ejaan dan baris pada ayat-ayat al-Quran & Hadis yang terkandung di dalamnya.
- Khutbah hendaklah disampaikan dalam tempoh 10 - 15 minit sahaja.

KHUTBAH TELAH DISEMAK

TARIKH DISEMAK : 25.01.2023

PEGAWAI PENYEMAK : M. Z. Rahman

MOHD ZARATKHAN ABD RAHMAN

KHUTBAH RASMI JHEAINS

DILULUSKAN PADA : 26/01/2023

DIBACA PADA : 27/01/2023

DILULUSKAN OLEH: HARIJUDIN H. ALWI

Ketua Penolong Pengerusi
Bahagian Penyelidikan & Informasi
Jabatan Hal Ehwal Agama Islam Negeri Sabah



Mohon semak QR code ini jika ada sebarang cadangan penambahbaikan. Sekian, terima kasih

KHUTBAH PERTAMA
MENJANA EKONOMI NEGARA, UMMAH SEJAHTERA

الْحَمْدُ لِلَّهِ الْقَائِلِ :

وَأَبْتَعْ فِيمَا ءَاتَاكَ اللَّهُ الدَّارَ الْآخِرَةَ وَلَا تَنْسَ نَصِيبَكَ مِنَ الدُّنْيَا وَأَحْسِنَ كَمَا أَحْسَنَ

اللَّهُ إِلَيْكَ وَلَا تَبْغِ الْفَسَادَ فِي الْأَرْضِ إِنَّ اللَّهَ لَا يُحِبُّ الْمُفْسِدِينَ ﴿٧٧﴾ (سورة القصص (28) : 77)

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ ، وَأَشْهَدُ أَنَّ سَيِّدَنَا وَنَبِيَّنَا مُحَمَّدًا عَبْدُهُ وَرَسُولُهُ

، اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ أَجْمَعِينَ .

أَمَّا بَعْدُ ، فَيَا عِبَادَ اللَّهِ ، اتَّقُوا اللَّهَ ، أَوْصِيكُمْ وَإِيَّايَ بِتَقْوَى اللَّهِ وَطَاعَتِهِ لَعَلَّكُمْ

تُرْحَمُونَ .

SIDANG JEMAAH YANG DIRAHMATI ALLAH,

Marilah kita bersama-sama meningkatkan ketaqwaan kepada Allah Subhanahuwataala dengan bersungguh-sungguh melaksanakan segala titah perintah-Nya dan meninggalkan segala larangan-Nya. Mudah-mudahan kehidupan kita diberkati di dunia dan di akhirat. Mimbar pada hari ini akan membicarakan khutbah yang bertajuk: "**MENJANA EKONOMI NEGARA, UMMAH SEJAHTERA**".

SIDANG JUMAAT YANG DIRAHMATI ALLAH,

Islam telah mensyariatkan ibadah zakat sebagai cara untuk mengagihkan harta kepada yang berhak. Ia bukan sahaja dapat melepaskan golongan yang memerlukan daripada belunggu kemiskinan bahkan ia juga dapat memastikan kebajikan mereka terpelihara. Inilah sebahagian hikmah ibadah zakat kepada ekonomi umat Islam.

Pada masa yang sama, Islam tidak menolak sistem percukaian yang telah diamalkan setiap negara selagi mana ianya tidak bertentangan dengan syariat.

Dalam sejarah, kerajaan-kerajaan Islam telah memperkenalkan Jizyah, iaitu cukai yang dikenakan kepada golongan bukan Islam bagi melayakkan mereka untuk mendapat perlindungan dan penjagaan sama ada harta, keluarga, darah dan lain-lain. Begitu juga Kharaj, cukai tanah yang diperkenalkan pada zaman Saidina Umar Al-Khattab Radiallahuanhu dan juga 'Usyur, iaitu cukai perdagangan. Ia berkembang seiring keperluan semasa sesebuah negara.

Sejarah telah membuktikan bahawa sistem percukaian merupakan antara medium ekonomi yang penting dalam menjana kelangsungan pendapatan sesebuah negara. Ia bukanlah sebuah amalan baharu bagi negara kita. Sistem-sistem percukaian ini telah wujud sejak Zaman Kesultanan Melayu Melaka pada kurun yang ke-15 lagi.

Pada ketika itu, telah wujud perundangan yang berkait dengan struktur percukaian dan ditadbir oleh Penghulu Bendahari dibantu oleh Shahbandar yang berfungsi menguatkuasakan peraturan bagi perihal perkastaman dan percukaian, khususnya di kawasan pelabuhan.

Merentasi zaman, fungsi dan peranan Shahbandar kini telah dimainkan secara signifikan oleh Jabatan Kastam Diraja Malaysia yang bertindak selaku agensi pemungut cukai, sekali gus menjadi antara penyumbang hasil terbesar buat negara.

Khutbah pada hari ini ingin menzahirkan apresiasi kepada **Jabatan Kastam Diraja Malaysia** bersempena dengan **Sambutan Hari Kastam Sedunia Ke-41 yang disambut pada tanggal 26 Januari** setiap tahun. Mimbar juga ingin mengajak kita bersama-sama memberikan komitmen sebaik mungkin untuk membangunkan dan menjana ekonomi negara dalam memacu pertumbuhan positif ke arah kemakmuran negara. Firman Allah Subhanahuwataala ayat 77 Surah al-Qasas yang telah dibaca permulaan khutbah ini **bermaksud** :

“Dan carilah (pahala) negeri akhirat dengan apa yang telah dianugerahkan Allah kepadamu, tetapi janganlah kamu lupakan bahagianmu di dunia dan berbuatlah baik (kepada orang lain) sebagaimana Allah telah berbuat baik kepadamu, dan janganlah

kamu berbuat kerosakan di bumi. Sesungguhnya, Allah tidak menyukai orang yang membuat kerosakan.”

(QS al-Qasas (28): 77)

SIDANG JUMAAT YANG DIRAHMATI ALLAH,

Islam merupakan agama yang sempurna dan mementingkan kesempurnaan yang merangkumi semua lapangan kehidupan. Pengurusan yang cekap dan berintegriti juga amat dititikberatkan oleh Islam khususnya dalam menterjemahkan natijah yang sempurna untuk kehidupan manusia. Firman Allah Subhanahuwataala dalam surah al-Sajadah, ayat 5 :

يُدَبِّرُ الْأَمْرَ مِنَ السَّمَاءِ إِلَى الْأَرْضِ ثُمَّ يَعْرُجُ إِلَيْهِ فِي يَوْمٍ كَانَ مِقْدَارُهُ أَلْفَ سَنَةٍ مِّمَّا تَعُدُّونَ ﴿٥﴾

Maksudnya: "Dia mengatur segala urusan dari langit ke bumi, kemudian (urusan) itu naik kepada-Nya dalam satu hari kadarnya (lamanya) adalah seribu tahun mengikut perhitungan kamu.”

(QS al-Sajadah (32): 5)

Justeru itu, sumber perbendaharaan negara perlulah ditadbir dengan sebaik mungkin bagi mengelakkan daripada berlakunya sebarang ketirisan. Setiap warga kerja perlulah menghayati serta mempraktikkan amalan-amalan pengurusan yang boleh meningkatkan kecemerlangan dalam sesebuah organisasi. Hal ini sepertimana Allah Subhanahuwataala merakamkan kisah Nabi Yusuf alaihissalam dalam surah Yusuf, ayat 47-48:

قَالَ تَزْرَعُونَ سَبْعَ سِنِينَ دَأَبًا فَمَا حَصَدْتُمْ فَذَرُوهُ فِي سُنْبُلِهِ إِلَّا قَلِيلًا مِّمَّا تَأْكُلُونَ ﴿٤٧﴾
ثُمَّ يَأْتِي مِنْ بَعْدِ ذَلِكَ سَبْعٌ شِدَادٌ يَأْكُلْنَ مَا قَدَّمْتُمْ لَهُنَّ إِلَّا قَلِيلًا مِّمَّا تُحْصِنُونَ ﴿٤٨﴾

Maksudnya: "Dia (Yusuf) berkata, "Agar kamu bercucuk tanam tujuh tahun (berturut-turut) sebagaimana biasa; kemudian apa yang kamu tuai hendaklah kamu membiarkan di tangkainya kecuali sedikit untuk kamu makan. Kemudian setelah itu akan datang tujuh (tahun) yang sangat sulit, yang menghabiskan apa yang kamu simpan untuk menghadapinya (tahun sukar), kecuali sedikit dari apa (bibit gandum) yang kamu simpan.”

(QS Yusuf (12): 47-48)

Mimbar juga ingin mengajak para jemaah sekalian untuk mengambil teladan daripada kisah Saidina Umar Radiallahuanhu. Beliau merupakan pemimpin yang berjaya membawa masyarakat Islam membina asas agama yang kuat. Beliau sangat mengutamakan pekerjaan dan produktiviti yang tinggi dan menjadikan pekerjaan sebagai bentuk ibadah yang tertinggi. Hal ini juga bertepatan dengan pesanan Nabi Sallallahualaihiwasallam sebagaimana diriwayatkan daripada Aisyah Radiallahuanha, Rasulullah Sallallahualaihiwasallam bersabda :

إِنَّ اللَّهَ عَزَّ وَجَلَّ يُحِبُّ إِذَا عَمِلَ أَحَدُكُمْ عَمَلًا أَنْ يُتْقِنَهُ

Maksudnya : "Sesungguhnya Allah Azza Wa Jalla mencintai seseorang yang apabila dia mengerjakan sesuatu kerja, dia laksanakan dengan sempurna."

(HR Imam al-Baihaqi)

SIDANG JUMAAT YANG DIRAHMATI ALLAH,

Tentunya bukan mudah bagi Jabatan Kastam Diraja Malaysia untuk mengekalkan kelangsungan menjana sumber ekonomi demi untuk mencapai keperluan rakyat dan kemakmuran negara. Dengan kekuatan seramai hampir 14,000 anggota dari pelbagai latar belakang, sudah tentu memberikan cabaran yang besar kepada sesebuah agensi seperti JKDM yang terlibat dalam menguruskan kutipan cukai dan tugas-tugas penguatkuasaan yang tentunya bertemu dengan penyeludup yang licik dan melanggar undang-undang perdagangan negara.

Justeru, perlunya setiap warga kastam diingatkan, bahawa tugas sebagai warga kastam merupakan satu tanggungjawab dan amanah daripada Allah Subhanahuwataala. Mimbar ingin mengajak para jemaah sekalian untuk mengambil teladan kisah kekaguman dua anak perempuan Nabi Syuaib alaihissalam terhadap Nabi Musa alaihissalam dalam membantu mereka mengambil air minuman untuk ternakan. Mereka terpegun dengan keterampilan Nabi Musa alaihissalam, seorang pemuda yang kuat melaksanakan kerja dengan penuh rasa tanggungjawab, tekun serta akhlak yang terpuji tanpa mengambil kesempatan terhadap wanita yang lemah.

Allah Subhanahuwataala merakamkan prinsip al-qawiy (kekuatan) dan al-amin (amanah) menerusi firmanNya dalam surah al-Qasas ayat 26 :

قَالَتْ إِحْدَاهُمَا يَا أَبَتِ اسْتَجِرْهُ ^ط إِنَّ خَيْرَ مَنِ اسْتَجَرْتَ الْقَوِيُّ الْأَمِينُ ﴿٢٦﴾

Maksudnya: "Dan salah seorang daripada kedua (perempuan) itu berkata, "Wahai ayahku! Jadikanlah dia sebagai pekerja (pada kita), sesungguhnya orang yang paling baik yang engkau ambil sebagai pekerja (pada kita) ialah orang yang kuat dan dapat dipercayai."
(QS al-Qasas (28): 26)

Secara mudah, al-qawiy dalam konteks ini ialah mempunyai kekuatan dan kompetensi. Al-amin merujuk kepada orang yang baik, beriman, amanah dan berintegriti dalam melaksanakan tanggungjawab. Allah Subhanahuwataala menegaskan ciri individu paling tepat diberikan tugas adalah individu yang memiliki kekuatan dan amanah.

Dalam sebuah hadis yang diriwayatkan daripada Anas bin Malik bahawa Rasulullah Sallallahu alaihiwasallam bersabda:

لَا إِيمَانَ لِمَنْ لَا أَمَانَةَ لَهُ، وَلَا دِينَ لِمَنْ لَا عَهْدَ لَهُ

Maksudnya: "Tidak sempurna keimanan bagi orang yang tidak amanah, dan tidak sempurna agama seseorang bagi yang tidak memenuhi janji"

(HR Imam Ahmad)

Justeru itu, ciri-ciri al-qawiy dan al-amin inilah yang seharusnya ada pada setiap anggota masyarakat dan amat dituntut oleh ajaran Islam demi mencapai keberkatan dalam kehidupan di dunia dan juga di akhirat kelak.

SIDANG JUMAAT YANG DIRAHMATI ALLAH,

Dalam usaha untuk merealisasikan Malaysia sebagai sebuah negara maju dan berpendapatan tinggi, kerajaan telah mempergiatkan pelbagai usaha untuk mencorak pertumbuhan positif ekonomi negara. Salah satu faktor utama yang dititikberatkan

adalah langkah untuk mengurangi ketirisan hasil negara disamping mengembangkan capaian hasil sedia ada.

Ajaran Islam telah menetapkan bahawa menjadi tanggungjawab dan kebersamaan umat Islam untuk melaksanakan aktiviti amar makruf (menyuruh melakukan kebaikan) dan nahi mungkar (mencegah melakukan kejahatan) bagi memastikan lima perkara asas (al-kuliyat as-syar'iah al-khams) iaitu agama, jiwa, akal, keturunan dan harta dipelihara dengan sebaiknya.

Firman Allah Subhanahuwataala di dalam surah al-Baqarah ayat 188:

وَلَا تَأْكُلُوا أَمْوَالَكُمْ بَيْنَكُمْ بِالْبَاطِلِ وَتُدْلُوا بِهَا إِلَى الْحُكَّامِ لِتَأْكُلُوا فَرِيقًا مِّنْ أَمْوَالِ
النَّاسِ بِالْإِثْمِ وَأَنْتُمْ تَعْلَمُونَ ﴿١٨٨﴾

Maksudnya: "Dan janganlah kamu makan harta di antara kamu dengan jalan yang batil, dan (janganlah) kamu menyuap dengan harta itu kepada para hakim, dengan maksud agar kamu dapat memakan sebagian harta orang lain itu dengan jalan dosa, padahal kamu mengetahui."
(QS al-Baqarah (2): 188)

Perbuatan seperti meminta dan memberikan rasuah merupakan perbuatan mungkar yang boleh menyebabkan ketirisan hasil negara bahkan memberi kesan besar kepada prestasi ekonomi negara secara keseluruhannya.

Rasulullah Sallallahu alaihi wasallam juga melaknat orang yang memberi rasuah, orang yang menerima rasuah dan orang yang menjadi perantaraan antara keduanya.

Dalam sebuah hadis menyebut daripada Thauban RA, Rasulullah Sallallahu alaihi wasallam bersabda:

لَعَنَ رَسُولُ اللَّهِ صَلَّى اللَّهُ عَلَيْهِ وَسَلَّمَ الرَّاشِيَ وَالْمُرْتَشِيَ وَالرَّائِشَ يَعْنِي
الَّذِي يَمْشِي بَيْنَهُمَا

Maksudnya: "Rasulullah Sallallahu alaihi wasallam melaknat pemberi rasuah, penerima rasuah dan perantara yang bersifat penghubung antara kedua-duanya."
(HR Riwayat Abu Daud (3580), al-Tirmizi (1337) dan Ibn Majah (2313))

Oleh yang demikian, marilah kita bersama-sama bertekad untuk menghindarkan dari sebarang bentuk perlakuan rasuah agar kita dapat membina jati diri dan integriti yang kukuh, samada dalam perkhidmatan kerajaan mahupun swasta sebagaimana yang dituntut oleh syarak.

Sebagai mengakhiri khutbah pada hari ini, mimbar ingin mengajak sidang jemaah sekalian untuk menghayati intipati khutbah agar ia menjadi pedoman dalam kehidupan kita, antaranya :

Pertama: Islam memberikan penekanan tentang pengurusan yang cekap dan berintegriti dalam menjana ekonomi negara.

Kedua: Jadilah manusia yang bersifat al-qawiy dan al-amin iaitu kompeten dan berintegriti demi mencapai keberkatan hidup di dunia dan akhirat.

Ketiga: Jauhilah sebarang bentuk perlakuan rasuah kerana ianya merupakan perbuatan yang keji dan dilaknat oleh Allah Subhanahuwataala.

بَارَكَ اللَّهُ لِي وَلَكُمْ بِالْقُرْآنِ الْعَظِيمِ وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ

الْحَكِيمِ وَتَقَبَّلَ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ. أَقُولُ قَوْلِي هَذَا وَأَسْتَغْفِرُ اللَّهَ

الْعَظِيمَ لِي وَلَكُمْ وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ

وَالْأَمْوَاتِ، فَاسْتَغْفِرُوهُ إِنَّهُ هُوَ الْعَفُورُ الرَّحِيمُ.

تيك س خطبة كدوا

الْحَمْدُ لِلَّهِ رَبِّ الْعَالَمِينَ، وَالصَّلَاةُ وَالسَّلَامُ عَلَى سَيِّدِنَا مُحَمَّدٍ النَّبِيِّ الْأُمِّيِّ، وَعَلَى آلِهِ وَأَصْحَابِهِ الطَّاهِرِينَ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ. أَمَّا بَعْدُ، فَيَا عِبَادَ اللَّهِ، اتَّقُوا اللَّهَ حَقَّ تُقَاتِهِ وَاعْلَمُوا أَنَّ اللَّهَ أَمْرَكُمْ بِأَمْرٍ عَظِيمٍ، أَمْرَكُمْ بِالصَّلَاةِ وَالتَّسْلِيمِ عَلَى نَبِيِّهِ الْكَرِيمِ، فَقَالَ اللَّهُ تَعَالَى:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا
اللَّهُمَّ صَلِّ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ، كَمَا صَلَّيْتَ عَلَى سَيِّدِنَا إِبْرَاهِيمَ
وَعَلَى آلِ سَيِّدِنَا إِبْرَاهِيمَ، وَبَارِكْ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ كَمَا بَارَكْتَ
عَلَى سَيِّدِنَا إِبْرَاهِيمَ وَعَلَى آلِ سَيِّدِنَا إِبْرَاهِيمَ فِي الْعَالَمِينَ إِنَّكَ حَمِيدٌ مَجِيدٌ.

اللَّهُمَّ ارْضَ عَنِ الْخُلَفَاءِ الرَّاشِدِينَ وَعَنْ بَقِيَّةِ الصَّحَابَةِ وَالْقُرَابَةِ أَجْمَعِينَ وَعَنْ التَّابِعِينَ
وَتَابِعِي التَّابِعِينَ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ وَارْضَ عَنَّا مَعَهُمْ يَا أَكْرَمَ
الْأَكْرَمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ. اللَّهُمَّ أَنْزِلِ الرَّحْمَةَ وَالْبَرَكَاتِ وَالْهُدَايَةَ وَالسَّلَامَةَ وَالسَّكِينَةَ وَالصَّحَّةَ الدَّائِمَةَ
عَلَى مَلِكِنَا كَبَاوَه دُولِي يَغْ مَهَا مَوْلِيَا سَرِي قَدُوك بَكِينِدَا يَغْ دَفْرَتُونَا كُوغْ وَفَخَامَةَ
الرَّئِيسِ الْأَعْلَى تَوَان يَغْ تَرَاوَتَام يَغْ دَفْرَتُونَا نَكْرِي سَابَه. وَاجْعَلِ اللَّهُمَّ هَذِهِ الْبَلْدَةَ وَسَائِرَ
بِلَادِ الْمُسْلِمِينَ آمِنَةً مُطْمَئِنَّةً، إِنَّكَ رَعُوفٌ رَحِيمٌ.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْفَحْشَاءَ وَالْمُنْكَرَ وَالْمِحْنَ وَالْفِتْنَ ، مَا ظَهَرَ مِنْهَا وَمَا بَطَّنَ ، مِنْ بَلَدِنَا هَذَا خَاصَّةً ، وَمِنْ بُلْدَانِ الْمُسْلِمِينَ عَامَّةً ، إِنَّكَ عَلَى كُلِّ شَيْءٍ قَدِيرٌ

Ya Allah! Naungilah kehidupan kami dengan kesejahteraan, keamanan, dan keselamatan serta kurniakanlah kepada kami rezeki yang halal lagi diberkati. Hiasilah diri kami dengan sifat-sifat terpuji dan jauhi kami dari sifat-sifat yang terkeji.

Ya Allah, Jadikanlah kami dan daripada keturunan kami orang-orang yang istiqamah mendirikan solat secara berjemaah, menunaikan zakat, mengerjakan ibadah haji, mewakafkan harta dan berinfaq pada jalan yang Engkau redhai. Sesungguhnya hanya kepadaMu jua Ya Allah tempat kami mengadu dan memohon pertolongan.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ .

عِبَادَ اللَّهِ،

إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايَ ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ وَالْبَغْيِ
يَعِظُكُمْ لَعَلَّكُمْ تَذَكَّرُونَ

فَاذْكُرُوا اللَّهَ الْعَظِيمَ يَذْكُرْكُمْ، وَاشْكُرُوا عَلَىٰ نِعْمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ
وَلَذِكُرِ اللَّهُ أَكْبَرُ، وَاللَّهُ يَعْلَمُ مَا تَصْنَعُونَ.

Disediakan dan diedar oleh:
Bahagian Penyelidikan dan Sebaran Am
Jabatan Hal Ehwal Agama Islam Negeri Sabah

NOTA: Teks khutbah ini mengandungi potongan ayat-ayat al-Quran dan Hadis Rasulullah SAW. Mohon jaga dengan cermat dan tidak disepahkan.

Sebarang pertanyaan atau maklum balas, sila hubungi
Unit Penerbitan,
Bahagian Penyelidikan dan Sebaran Am, JHEAINS
Tel: 088-522127/ jheains.penerbitan@gmail.com